



# SLUŽBENE NOVINE SREDNJOBOSANSKOG KANTONA

Broj 3

17. aprila 2018.  
TRAVNIK

Godina: XXII.

## PREDSJEDAVAJUĆI SKUPŠTINE SREDNJOBOSANSKOG KANTONA

121

Na osnovu tačke j) stava 1. člana 32a. Ustava Srednjobosanskog kantona ("Službene novine Srednjobosanskog kantona", broj: 1/97, 5/97, 6/97, 2/98, 7/98 – ispravka teksta, 8/98, 10/2000, 8/03, 2/04 i 14/04), donosim

### U K A Z O PROGLAŠENJU ZAKONA O IZMJENAMA ZAKONA O SOCIJALNOJ ZAŠTITI, ZAŠTITI CIVILNIH ŽRTAVA RATA I ZAŠTITI PORODICA S DJECOM

#### I.

Prolašavam Zakon o izmjenama Zakona o socijalnoj zaštiti, zaštiti civilnih žrtava rata i zaštiti porodica s djecom, koji je donijela Skupština Srednjobosanskog kantona na XXVIII. sjednici održanoj 28. februara 2018. godine.

Broj: 01-02-138/18 PREDJEDAVAJUĆI SKUPŠTINE  
28. februara 2018.

Travnik Josip Kvasina, s. r.



## SKUPŠTINA SREDNJOBOSANSKOG KANTONA

122

### ZAKON O IZMJENAMA ZAKONA O SOCIJALNOJ ZAŠTITI, ZAŠTITI CIVILNIH ŽRTAVA RATA I ZAŠTITI PORODICA S DJECOM

#### Član 1.

U Zakonu o socijalnoj zaštiti, zaštiti civilnih žrtava rata i zaštiti porodica s djecom ("Službene novine

#### Član 2.

U članovima 23., 43., 45. i 173. riječ "drugu" zamjenjuje se riječju "udomiteljsku".

#### Član 3.

Ovaj zakon stupa na snagu osmogoga dana od dana objave u "Službenim novinama Srednjobosanskog kantona", a primjenjuje se od 23. marta 2018. godine.

Broj: 01-02-139/18 PREDJEDAVAJUĆI SKUPŠTINE  
28. februara 2018.

Travnik Josip Kvasina, s. r.



Na osnovu tačke j) stava 1. člana 32a. Ustava Srednjobosanskog kantona ("Službene novine Srednjobosanskog kantona", broj: 1/97, 5/97, 6/97, 2/98, 7/98 – ispravka teksta, 8/98, 10/2000, 8/03, 2/04 i 14/04), donosim

### U K A Z O PROGLAŠENJU ZAKONA O JAVNO-PRIVATNOM PARTNERSTVU

#### I.

Prolašavam Zakon o javno-privatnom partnerstvu, koji je donijela Skupština Srednjobosanskog kantona na XXVIII. sjednici održanoj 28. februara 2018. godine.

Broj: 01-02-140/18 PREDJEDAVAJUĆI SKUPŠTINE  
28. februara 2018.

Travnik Josip Kvasina, s. r.



### ZAKON O JAVNO-PRIVATNOM PARTNERSTVU

#### POGLAVLJE I. OPĆE ODREDBE

#### Član 1.

##### (Predmet Zakona)

(1) Ovim zakonom propisuju se osnovni pojmovi, predmet, osnovna obilježja i načela javno-privatnog partnerstva (u daljnjem tekstu: JPP), modeli JPP-a,

identifikacija i odobravanje projekata JPP-a, postupak odabira privatnoga partnera, prava i obaveze javnog i privatnoga partnera u toku pripreme prijedloga projekta i realizacije JPP-a, nadzor nad njihovom realizacijom, te druga pitanja značajna za javno-privatno partnerstvo iz nadležnosti Srednjobosanskog kantona (u daljnjem tekstu: Kanton) i jedinica lokalne samouprave – općina (u daljnjem tekstu: JLS) s područja Kantona.

(2) Na pitanja koja nisu uređena ovim zakonom, primjenjivat će se posebni zakoni, zavisno od javne usluge koja je predmet javno-privatnog partnerstva.

#### Član 2.

##### **(Gramatička terminologija)**

Gramatička terminologija korištenja muškog i ženskog roda za pojmove u ovom zakonu podrazumijeva oba spola.

#### Član 3.

##### **(Definicija JPP)**

*Javno-privatno partnerstvo* je dugoročan ugovorni odnos između javnog i privatnog partnera u svrhu pružanja javnih usluga iz nadležnosti javnoga partnera, korištenjem upravljačkih, tehničkih, finansijskih i inovacijskih sposobnosti privatnog partnera, kao i razmjenom umijeća i znanja između javnog i privatnog partnera.

#### Član 4.

##### **(Cilj Zakona)**

Cilj ovoga zakona jeste postaviti jasan, nediskriminirajući i djelotvoran pravni okvir za provedbu projekata JPP-a kojim će se kroz učešće privatnog sektora unapređivati standard javnih usluga iz nadležnosti Kantona i JLS-a s područja Kantona, a ujedno i pospješiti uvjete za daljnji ekonomski rast i razvoj na području Kantona i JLS-a s područja Kantona.

#### Član 5.

##### **(Osnovni pojmovi)**

Pojedini pojmovi, u smislu ovoga zakona, imaju sljedeća značenja:

a) *Projekt JPP* je skup aktivnosti koje se pokreću, pripremaju, ugovaraju i provode na način propisan ovim zakonom.

b) *Javno tijelo* je organ uprave i upravna organizacija Kantona i JLS-a s područja Kantona, javne ustanove i javna preduzeća čiji je osnivač i većinski vlasnik Kanton ili JLS, uz saglasnost osnivača, nadležan za pružanje predmetne javne usluge.

c) *Javni partner* je jedno ili više javnih tijela nadležnih za pružanje predmetne javne usluge, koji s privatnim partnerom sklapa ugovor o JPP-u.

d) *Ponudač* je domaće ili strano privredno društvo koje samostalno ili s drugim privrednim društvima učestvuje u javnom konkursu za odabir privatnog partnera u smislu ovoga zakona.

e) *Zainteresovani ponudač* je domaće ili strano privredno društvo koje samostalno ili s drugim privrednim društvima daje ponudu javnom tijelu za izradu i / ili dopunu prijedloga projekta JPP-a u smislu ovoga zakona.

f) *Privatni partner* je društvo posebne namjene koje je osnovao izabrani ponudač u skladu s pozitivnim pravnim propisima u Federaciji Bosne i Hercegovine (u daljnjem tekstu: Federacija) u svrhu sklapanja ugovora o JPP-u.

g) *Ugovor o JPP-u* je ugovor sklopljen između javnog i privatnog partnera kojim se, u svrhu provedbe projekta JPP-a, uređuju prava i obaveze ugovornih strana.

h) *Konsultant* je jedno fizičko ili pravno lice, ili više fizičkih ili pravnih lica, koje posjeduje specijalistička znanja nužna za identifikaciju, pripremu, ugovaranje i provedbu projekata JPP-a.

i) *Rizik raspoloživosti* je preuzeti rizik držanja javne građevine u stanju funkcionalnosti u skladu s ugovorenim standardom usluge.

j) *Rizik potražnje* predstavlja preuzeti rizik ostvarivanja prihoda od krajnjeg korisnika usluga.

k) *Koncesija* podrazumijeva koncesiju za javne radove ili koncesiju za javne usluge u skladu s propisima kojima se uređuje područje koncesija.

l) *Pravo građenja* je stvarno pravo koje se osniva na osnovu odredbi propisa kojim se uređuje vlasništvo i druga stvarna prava.

#### Član 6.

##### **(Predmet projekta JPP-a)**

(1) Predmet projekta JPP-a je istraživanje, projektovanje, građenje i/ili rekonstrukcija i održavanje javne infrastrukture i/ili javnih infrastrukturnih objekata, s ciljem pružanja javne usluge iz nadležnosti javnog partnera;

(2) Predmet projekta JPP-a, uz obavezno održavanje javne infrastrukture i/ili javnih infrastrukturnih objekata, čini najmanje još jedna aktivnost iz stava (1) ovoga člana.

(3) Predmet JPP-a ne može biti isključivo isporuka robe kao ni isključivo koncesija za korištenje općeg ili drugog dobra u svrhu privrednih aktivnosti.

(4) Javne usluge iz oblasti vodosnabdijevanja ne mogu biti predmet JPP-a prema modelu iz tačke b) člana 9. ovoga zakona.

#### Član 7.

##### **(Osnovna obilježja JPP-a)**

Osnovna obilježja JPP-a su sljedeća:

a) privatni partner od javnog partnera preuzima obavezu i rizike građenja i/ili rekonstrukcije i održavanja javne infrastrukture i/ili građevine od javnog interesa, preuzimajući pri tome najmanje jedan od sljedećih dvaju rizika: rizik raspoloživosti i rizik potražnje;

b) javni partner može prenijeti na privatnog partnera sva prava i ovlaštenja potrebna za provođenje projekta JPP-a, uključujući pravo građenja i koncesiju, u skladu sa ugovorom o JPP-u;

c) sva pitanja u vezi s osnivanjem, odnosno prijenosom prava građenja, kao i davanje koncesije, uključujući i visinu naknade, javni i privatni partner uređuju ugovorom o javnom-privatnom partnerstvu;

d) javni partner može, u skladu sa svrhom projekta JPP-a, dopustiti i obavljanje komercijalnih djelatnosti radi naplate prihoda od trećih lica na tržištu, ako obavljanje komercijalnih djelatnosti nije ugovoreno, ono nije dopušteno;

e) ugovori o JPP-u ne mogu biti osnov za promjenu vlasništva na postojećim niti budućim javnim ili općim dobrima, odnosno javna imovina ostaje u javnom vlasništvu i nakon isteka ugovora o JPP-u.

**Član 8.  
(Načela)**

Javno-privatno partnerstvo, u smislu ovoga zakona, provodi se u skladu sa sljedećim načelima:

- a) zaštita javnog interesa – podrazumijeva najdjelotvornije korištenje javnih sredstava u vezi s realizacijom projekta JPP-a i njegovom svrhom;
- b) jednak i pravedan tretman – podrazumijeva izbjegavanje diskriminacije prema bilo kojem osnovu;
- c) efikasnost – obuhvata obavezu da se postupak izbora privatnog partnera i sklapanja ugovora provodi u rokovima i na način propisan ovim zakonom, sa što manje troškova u vezi s postupkom i za javnog i za privatnog partnera;
- d) transparentnost – podrazumijeva visok stepen dostupnosti informacija o cjelokupnom životnom ciklusu projekta JPP-a;
- e) zaštita prirodne sredine i promocija održivog razvoja – podrazumijeva obavezu pokretanja i dizajniranja projekata JPP-a na način koji neće imati negativne posljedice na prirodne resurse;
- f) slobodno tržišno nadmetanje – podrazumijeva podsticanje najvećeg mogućeg učešća zainteresovanih ponuđača.

**Član 9.****(Modeli javno-privatnog partnerstva)**

Javno-privatno partnerstvo se, u smislu ovoga zakona, provodi prema jednom od sljedećih modela:

- a) **osnovi model** je model u kojem privatni partner preuzima rizik raspoloživosti predmetne javne usluge u skladu s ugovorenim standardima, i u kojem se naknada privatnom partneru u potpunosti ili većim dijelom plaća iz budžeta;
- b) **posebni model** je model u kojem privatni partner preuzima rizik potražnje, i u kojem se naknada privatnom partneru u potpunosti ili većim dijelom plaća od krajnjeg korisnika.

**Član 10.****(Društvo posebne namjene)**

(1) Društvo posebne namjene (u daljnjem tekstu: DPN) je privredno društvo koje osniva odabrani ponuđač u svrhu sklapanja ugovora o JPP-u i provedbe projekta JPP-a.

(2) DPN obavlja isključivo djelatnost kojoj je cilj provedba projekta JPP-a za koji je osnovan.

(3) DPN se osniva u skladu s odredbama zakona kojim se uređuje osnivanje i poslovanje privrednih društava u Federaciji.

**Član 11.****(Nadležnost za projekte JPP-a)**

(1) Postupak pripreme, ugovaranja i provedbe te nadzor nad provedbom ugovora o JPP-u provodi javno tijelo iz tačke b) člana 5. ovoga zakona.

(2) Izvještaj o nadzoru nad provođenjem ugovora o JPP-u za prethodnu kalendarsku godinu, javni partner dostavlja Ministarstvu privrede najkasnije do 30. marta tekuće godine, a za potrebe vođenja Registra ugovora o JPP-u i pripreme izvještaja o provedbi Zakona.

**POGLAVLJE II. DODJELA UGOVORA O JAVNO-PRIVATNOM PARTNERSTVU****Član 12.****(Postupak dodjele ugovora o JPP-u)**

Postupak dodjele ugovora o JPP-u sastoji se iz sljedećih faza:

- a) identifikacija projekta JPP-a;
- b) priprema prijedloga projekta JPP-a;
- c) odabir privatnog partnera;
- d) ugovaranje JPP-a.

**Član 13.****(Identifikacija projekata JPP-a)**

(1) Javno tijelo koje ima namjeru razmatrati model JPP-a kao jedan od mogućih modela provođenja javnog projekta s ciljem unapređenja javne usluge iz svoje nadležnosti, dužno je izraditi srednjoročni (trogodišnji) i godišnji plan potencijalnih projekata JPP-a na način propisan ovim zakonom.

(2) Srednjoročni plan potencijalnih projekata JPP-a priprema se, usvaja i objavljuje uporedno sa dokumentom okvirnoga budžeta, odnosno finansijskim planom javnoga tijela.

(3) Godišnji plan potencijalnih projekata JPP-a priprema se, usvaja i objavljuje uporedno s godišnjim budžetom, odnosno finansijskim planom javnoga tijela.

(4) Prilikom izrade srednjoročnog i godišnjeg plana potencijalnih projekata JPP-a, javno tijelo dužno je osigurati široko učešće javnosti (stanovništvo, civilno društvo, privatni sektor, akademska i stručna zajednica) kroz organizovanje javnih konsultacija, minimalno jednom.

(5) Projekt koji se može uvrstiti u srednjoročni i godišnji plan potencijalnih projekata JPP-a, minimalno, ispunjava sljedeće kriterije:

- a) javna usluga, koja je predmet potencijalnog projekta JPP-a je u nadležnosti javnoga tijela;
- b) unapređenje javne usluge, koja je svrha potencijalnog projekta JPP-a planirana je važećom strateško-planskom dokumentacijom javnoga tijela.

(6) U roku od 15 dana od dana usvajanja planova iz stavova (2) i (3) ovoga člana javno tijelo je dužno objaviti ih na svojoj web stranici i dostaviti Ministarstvu privrede.

(7) Na osnovu dostavljenih godišnjih i srednjoročnih planova potencijalnih projekata JPP-a, a u svrhu dodatne promocije projekata, Ministarstvo privrede priprema katalog potencijalnih projekata JPP-a Kantona i objavljuje ih na svojoj web stranici.

(8) Vlada Srednjobosanskog kantona (u daljnjem tekstu: Vlada Kantona) će donijeti uredbu o identifikaciji, pripremi, ugovaranju i praćenju implementacije projekta JPP-a, kojom će bliže urediti kriterije za odabir potencijalnog projekta JPP-a, postupak pripreme i sadržaj obrazaca na kojima se pripremaju godišnji i srednjoročni planovi potencijalnih projekata JPP-a, te obrazac kratkog opisa potencijalnog projekta JPP, postupak i minimalne kriterije za učešće privatnog sektora u pripremi prijedloga projekta JPP-a, postupak i minimalne kriterije za izbor projektnog tima i konsultanta, prava i obaveze članova projektnog tima, minimalni sadržaj studije opravdanosti projekta JPP-a, postupak i minimalne kriterije izbora privatnog partnera, postupak registrovanja ugovora o JPP-u, te nadzor i izvještavanje o provođenju ugovora o JPP-u.

## Član 14.

**(Prijedlog projekta JPP-a)**

(1) Za svaki od potencijalnih projekata JPP-a iz godišnjeg plana priprema se prijedlog projekta JPP-a koji sadrži:

- a) kratak opis projekta;
- b) idejni projekt (s prethodno usaglašenim idejnim rješenjem);
- c) studiju opravdanosti.

(2) Na osnovu prijedloga projekta JPP-a, javno tijelo podnosi nadležnom organu javnog tijela prijedlog odluke o opredijeljenosti za uspostavljanje JPP-a.

(3) Radi smanjenja rizika koji se mogu javiti u toku pripreme i implementacije projekta JPP-a, javno tijelo može regulisati odnose s drugim javnim tijelima koja su u vezi s pružanjem predmetne javne usluge, na samom početku pripreme prijedloga projekta JPP-a.

(4) Međusobna prava i obaveze, kao što su, naprimjer, međusobna plaćanja, plaćanja prema budućem privatnom partneru, način izvještavanja, kontrole i nadzora isporuke ugovorenog standarda javne usluge, javna tijela iz stava (3) ovoga člana regulišu ugovorom.

(5) Javno tijelo dostavlja odluku o opredijeljenosti za uspostavljanje JPP-a Ministarstvu privrede u roku od sedam dana od dana donošenja.

## Član 15.

**(Projektni tim)**

(1) Javno tijelo formira projektni tim za pripremu prijedloga projekta JPP-a i provođenje postupka dodjele ugovora o JPP-u za svaki potencijalni projekt JPP-a iz godišnjeg plana;

(2) Članove projektnoga tima iz stava (1) ovoga člana za projekte JPP-a iz nadležnosti Kantona imenuje Vlada Kantona, a za projekte JPP-a iz nadležnosti JLS-a imenuje općinski načelnik JLS-a.

(3) U projektni tim iz stava (1) ovoga člana može se imenovati konsultant koji ne smije biti u sukobu interesa u odnosu na ponuđača.

(4) Postupak i kriterije izbora članova projektnog tima i konsultanata, te njihova prava i obaveze sadržani su u uredbi iz stava (8) člana 13. ovoga zakona.

## Član 16.

**(Kratak opis projekta)**

Projektni tim priprema, odnosno dopunjava kratak opis projekta JPP-a prema obrascu čiji je sadržaj i forma propisan uredbom iz stava (8) člana 13. ovoga zakona.

## Član 17.

**(Idejno rješenje i idejni projekt)**

Idejno rješenje i idejni projekt se pripremaju u skladu sa zakonom.

## Član 18.

**(Studija opravdanosti)**

(1) Javno tijelo priprema studiju opravdanosti projekta čiji je minimalni sadržaj propisan uredbom iz stava (8) člana 13. ovoga zakona.

(2) Javno tijelo priprema studiju opravdanosti samostalno ili uz pomoć konsultanta, a u zavisnosti od raspoloživih kapaciteta javnoga partnera.

## Član 19.

**(Učešće privatnog sektora u pripremi prijedloga projekta JPP-a)**

(1) Javno tijelo može pripremiti prijedlog projekta JPP-a i uz učešće privatnog sektora.

(2) Javno tijelo se opredjeljuje za mogućnost iz stava (1) ovoga člana u toku pripreme srednjoročnog i godišnjeg plana potencijalnih projekata JPP-a.

(3) Odabir zainteresovanog ponuđača provodi se javnim konkursom.

(4) Uzajamna prava i obaveze javnog tijela i zainteresovanog ponuđača, kao i cijena izrade potrebne projektne dokumentacije za potencijalni projekt JPP-a regulišu se ugovorom između javnog partnera i zainteresovanog ponuđača.

(5) Zainteresovani ponuđač mora učestvovati u postupku odabira privatnog partnera na način propisan ovim zakonom i uredbom iz stava (8) člana 13. ovoga zakona.

(6) Ako zainteresovani ponuđač iz stava (5) ovoga člana ne bude izabran za privatnog partnera, ima pravo na povrat uložениh sredstava za izradu prijedloga projekta JPP-a, u iznosu utvrđenom ugovorom iz stava (4) ovoga člana:

a) od odabranog privatnog partnera, na ime otkupa projektne dokumentacije, ili

b) od javnog tijela, ako se studijom opravdanosti dokaže da primjena modela JPP-a nije u najboljem javnom interesu, ili u slučaju da javno tijelo ne pokrene postupak izbora privatnog partnera u rokovima definisanim ugovorom iz stava (4) ovoga člana.

(7) Postupak objavljivanja i minimalni sadržaj javnog konkursa iz stava (3) ovoga člana propisan je uredbom iz stava (8) člana 13. ovoga zakona.

## Član 20.

**(Odabir privatnog partnera)**

(1) Javni partner bira privatnog partnera javnim pozivom koji ne može trajati kraće od 30 dana.

(2) Minimum kriterija izbora privatnog partnera propisani su uredbom iz stava (8) člana 13. ovoga zakona.

(3) Javno tijelo donosi konačnu odluku o izboru privatnog partnera u roku od 30 dana od okončanja postupka.

(4) Javno tijelo dostavlja odluku o izboru privatnog partnera Ministarstvu privrede najkasnije sedam dana od dana donošenja.

## Član 21.

**(Ugovaranje JPP-a)**

(1) Javni partner, po potrebi, zavisno od vrste projekta, dopunjava sastav projektnog tima iz člana 15. ovoga zakona.

(2) Postupak ugovaranja JPP-a sa izabranim privatnim partnerom provodi se u četiri faze:

- a) priprema nacrtu ugovora o JPP-u;
- b) provedba javnoga poziva za odabir privatnog partnera;
- c) pregovaranje o elementima iz nacrtu ugovora o JPP-u;
- d) sklapanje ugovora o JPP-u.

## Član 22.

**(Nacrt ugovora o JPP-u)**

(1) Nacrt ugovora o JPP-u priprema projektni tim na osnovu prijedloga projekta JPP-a iz člana 14. ovoga zakona.

(2) Nacrt ugovora o JPP-u je sastavni dio tenderske

dokumentacije za odabir privatnog partnera.

(3) Nacrt ugovora o JPP-u obavezno sadrži sljedeće elemente:

- a) uvod;
- b) ugovorne strane;
- c) definicije pojmova;
- d) svrhu i predmet ugovora, odnosno postavljeni standard javne usluge;
- e) trajanje ugovora;
- f) prijenos prava i ovlaštenja potrebnih za provođenje projekta JPP-a, uključujući prava, pravo građenja i koncesiju, između ugovornih strana;
- g) podjelu rizika i pripadajućih troškova između ugovornih strana;
- h) finansiranje projekta;
- i) plaćanje ugovornih strana;
- j) obavljanje komercijalnih djelatnosti;
- k) finansijske garancije za provođenje ugovora;
- l) finansijske garancije za izvršenje obaveza podugovarača;
- m) događaji koji mogu prouzrokovati štetu i način postupanja ugovornih strana u slučaju njihovog nastanka, uključujući i višu silu;
- n) zatezne kamate;
- o) police osiguranja;
- p) posljedicu neispunjenja ugovornih obaveza;
- q) pravo javnog partnera na nadzor;
- r) naknadnu nemogućnost neispunjenja ugovora;
- s) postupak i uvjete preuzimanja građevine, ako ugovor o JPP-u obuhvata izgradnju građevina;
- t) prestanak ugovora;
- u) raskid ugovora i posljedice raskida ugovora;
- v) zaštita okoliša;
- w) način slanja obavijesti tokom ugovornog perioda;
- x) zaštitu intelektualnog vlasništva, poslovna tajna i tajnost podataka;
- y) podugovaranje;
- z) rješavanje sporova proizašlih iz ugovora;
- aa) salvatorna odredba;
- ab) stupanje ugovora na snagu.

(4) Na sva pitanja koja nisu regulisana u stavu (3) ovoga člana, primjenjuju se odredbe Zakona o obligacionim odnosima.

#### Član 23.

##### **(Pregovaranje o elementima nacrta ugovora o JPP-u)**

(1) Obavezuje se javno tijelo da u roku od 15 dana od dana donošenja odluke o izboru privatnog partnera dostavi nacrt ugovora o JPP-u izabranom ponuđaču.

(2) Ponuđač je dužan u roku od 30 dana od dana prijema nacrta ugovora o JPP-u napisмено se izjasniti o dostavljenom nacrtu ugovora o JPP-u.

(3) Ugovorne strane mogu, u zavisnosti od sadržaja odgovora izabranog ponuđača, nastaviti pregovaranje do konačnog usaglašavanja volje obiju strana.

(4) Postupak pregovaranja iz stava (3) ovoga člana ne može trajati dulje od 60 dana od dana prijema nacrta ugovora o JPP-u.

(5) U slučaju neuspješnog postupka pregovaranja sa izabranim ponuđačem, javno tijelo dostavlja nacrt ugovora o JPP-u iz člana 22. ovoga zakona ponuđaču koji je sljedeće rangiran.

#### Član 24.

##### **(Sklopanje ugovora o JPP-u)**

(1) Konačni tekst ugovora o JPP-u i svakog naknadno potpisanog aneksa ugovora javno dostavlja na mišljenje nadležnom pravobranilaštvu.

(2) Saglasnost na konačni tekst ugovora o JPP-u iz stava (1) ovoga člana za projekte JPP-a iz nadležnosti Kantona daje Vlada Kantona, a za projekte JPP-a iz nadležnosti JLS-a daje općinsko/gradsko vijeće.

(3) Nakon pribavljene saglasnosti iz stava (2) ovoga člana, javno tijelo i ponuđač sklapaju ugovor o JPP-u na određeno vrijeme koje ne može biti kraće od 10 godina, niti dulje od 40 godina, osim ako posebnim zakonom nisu propisani drugačiji rokovi.

(4) Javni partner dužan je registrovati ugovor o JPP-u i svaki aneks na ugovor u Ministarstvu privrede, u roku od osam dana od dana njegova potpisivanja, na način propisan uredbom iz stava (8) člana 13. ovoga zakona.

#### Član 25.

##### **(Izmjene i dopune ugovora o JPP-u)**

(1) Prije sklapanja izmjena i/ili dopuna ugovora o JPP-u, javni partner dostavlja prijedlog tih izmjena i/ili dopuna na saglasnost nadležnom tijelu iz stava (2) člana 24. ovoga zakona.

(2) Uz prijedlog izmjena i/ili dopuna ugovora o JPP-u, javni partner nadležnom tijelu iz stava (1) ovoga člana dostavlja obrazloženje i potrebnu dokumentaciju u vezi s predloženim izmjenama i/ili dopunama ugovora o JPP-u, kao i prethodno mišljenje nadležnog organa za provođenje zakona.

(3) Prije izdavanja saglasnosti, nadležno tijelo iz stava (2) člana 24. ovoga zakona može zatražiti i izjašnjenje drugih javnih tijela.

(4) Ako predložene izmjene i/ili dopune ugovora o JPP-u bitno ne mijenjaju osnovni ugovor o JPP-u, nadležno tijelo iz stava (2) člana 24. ovoga zakona izdaje saglasnost javnom partneru na izmjene i/ili dopune ugovora o JPP-u u roku od 30 dana od dana zaprimanja potrebne dokumentacije iz stavova (2) i (3) ovoga člana.

(5) U slučaju da predložene izmjene i/ili dopune ugovora o JPP-u bitno mijenjaju osnovni ugovor o JPP i predstavljaju namjeru ugovornih strana da ponovo određuju osnovne elemente toga ugovora, javni partner obavezan je pokrenuti novi postupak pripreme prijedloga projekta JPP-a.

(6) Bitne izmjene i/ili dopune ugovora o JPP-u u smislu stavova (4) i (5) ovoga člana su izmjene i/ili dopune koje:

a) uvode uvjete koji bi da su bili dio osnovnoga postupka odabira privatnog partnera omogućili podnošenje drugačijih ponuda od onih koje su podnesene u osnovnom postupku, ili bi omogućili odabir drugačije ponude od ponude odabrane u osnovnom postupku, ili

b) znatno proširuju predmet ugovora o JPP-u na radove ili usluge koje nisu obuhvaćene osnovnim ugovorom, ili

c) mijenjaju ekonomsku ravnotežu ugovora o JPP-u u korist privatnog partnera na način koji nije bio predviđen u uvjetima osnovnog ugovora o JPP-u.

(7) Izmjene i/ili dopune ugovora o JPP-u sklopljene protivno odredbama ovoga člana ništavne su.

**POGLAVLJE III. PROVEDBA ZAKONA**

## Član 26.

**(Poslovi na provođenju Zakona)**

Ministarstvo privrede, organ nadležan za provođenje ovoga zakona, obavlja sljedeće poslove:

a) priprema i podnosi Vladi Kantona godišnji plan aktivnosti i godišnji izvještaj o provedbi Zakona;

b) uspostavlja i vodi Registar ugovora o JPP-u i osigurava da Registar bude javno dostupan;

c) priprema i daje stručna mišljenja o pojedinim pitanjima iz ovoga zakona i propisa donesenih na osnovu ovoga zakona;

d) prati i pruža stručnu podršku u postupku izrade planova iz člana 13. ovoga zakona;

e) na godišnjem nivou priprema i objavljuje zbirni pregled potencijalnih projektnih ideja JPP-a (katalog potencijalnih projekata JPP-a Kantona);

f) daje mišljenje o osnovanosti inicijativa za izmjene i dopune ovoga zakona i drugih propisa o javno-privatnom partnerstvu;

g) u saradnji s drugim nadležnim tijelima, organizuje specijalističke programe edukacije za javna tijela i druge učesnike;

h) saraduje s naučnim i istraživačkim institucijama, socijalnim partnerima, privrednim i nevladinim udruženjima i drugim zainteresovanim stranama u svrhu unapređivanja primjene Zakona;

i) promoviše i izučava primjenu najbolje prakse JPP-a, te u svome domenu saraduje s domaćim i inozemnim javnim tijelima i međunarodnim organizacijama i institucijama ovlaštenim za JPP, u skladu sa zakonom.

## Član 27.

**(Sredstva za provođenje Zakona)**

Sredstva za provođenje poslova iz člana 26. ovoga zakona osiguravaju se u Budžetu Srednjobosanskog kantona na posebnoj budžetskoj poziciji u okviru Ministarstva privrede, u skladu s planom Budžeta Srednjobosanskog kantona za tekuću godinu.

**POGLAVLJE IV. PRAVNA ZAŠTITA**

## Član 28.

**(Pravna zaštita u postupku izbora privatnog partnera)**

(1) Na odluku o izboru privatnog partnera može se izjaviti žalba u roku od 15 dana od dana prijema odluke.

(2) Žalba na odluku o izboru privatnog partnera za projekte JPP-a iz nadležnosti JLS-a podnosi se komisiji za drugostepeno upravno rješavanje JLS-a, a žalba na odluku o izboru privatnog partnera za projekte JPP-a iz nadležnosti Kantona podnosi se Komisiji za drugostepeno upravno rješavanje Vlade Srednjobosanskog kantona.

(3) Žalbeni postupak provodi se u skladu sa Zakonom o upravnom postupku.

## Član 29.

**(Spor o nadležnosti)**

U slučaju sukoba nadležnosti u vezi s projektom JPP-a između javnih tijela, primjenjivati će se odredbe Zakona o upravnom postupku.

## Član 30.

**(Način rješavanja sporova)**

(1) Za sporove između stranaka, koji nastaju na osnovu ugovora o JPP-u, stranke mogu ugovoriti arbitražu ili mirenje.

(2) U postupku iz stava (1) ovoga člana primjenjuju se propisi Bosne i Hercegovine.

(3) Ako strane nisu ugovorile arbitražno rješavanje sporova ili mirenje, stvarno i mjesno je nadležan sud isključivo prema sjedištu javnog partnera, primjenom propisa iz stava (2) ovoga člana.

**POGLAVLJE V. KAZNE NE ODREDBE**

## Član 31.

**(Pokretanje prekršajnog postupka)**

Ako Ministarstvo privrede ili drugo nadležno javno tijelo utvrdi da je javni ili privatni partner povrijedio odredbe ovoga zakona, podnosi sudu nadležnom za prekršaje prijedlog za pokretanje prekršajnog postupka u skladu sa Zakonom o prekršajima.

## Član 32.

**(Novčane kazne)**

(1) Novčanom kaznom u iznosu od 5.000,00 do 15.000,00 KM kaznit će se za prekršaj javno tijelo ako postupi suprotno stavu (1) člana 20. i stavu (3) člana 24. ovoga zakona.

(2) Novčanom kaznom u iznosu od 500,00 do 5.000,00 KM kaznit će se za prekršaj javno tijelo, odnosno javni partner ako ne postupi u skladu sa stavom (6) člana 13., stavovima (2), (3), (4) i (5), stavom (4) člana 14., članom 20., stavom (1) člana 23. i stavovima (1) i (4) člana 24. ovoga zakona.

(3) Novčanom kaznom u iznosu od 5.000,00 do 15.000,00 KM kaznit će se za prekršaj privatni partner i/ili ponuđač ako ne dostavi ili ne dostavi u propisanom roku ili na propisani način dokument iz stava (2) člana 23.

(4) Novčanom kaznom u iznosu od 500,00 do 3.000,00 KM kaznit će se odgovorno lice javnoga tijela, odnosno javnog partnera za prekršaje iz stavova (1), (2) i (6) ovoga člana.

(5) Novčanom kaznom u iznosu od 500,00 do 3.000,00 KM kaznit će se odgovorno lice privatnog partnera i/ili ponuđača za prekršaj iz stava (3) ovoga člana.

(6) Novčanom kaznom u iznosu od 10.000,00 do 30.000,00 KM kaznit će se za prekršaj javni partner ako ne postupi prema stavu (2) člana 11. ovoga zakona.

## Član 33.

**(Antikorupcija)**

Postupci javnog, odnosno privatnog partnera za vrijeme pripreme, ugovaranja i/ili implementacije projekta JPP-a, koji imaju obilježja krivične odgovornosti, a naročito zloupotreba položaja te primanje i davanje mita, istraživat će se i procesuirati u skladu sa zakonom.

**POGLAVLJE VI - PRELAZNE I ZAVRŠNE ODREDBE**

## Član 34.

**(Donošenje podzakonskih i drugih akata)**

(1) Vlada Kantona će, na prijedlog Ministarstva

privrede, najkasnije u roku od 90 dana od dana stupanja na snagu ovoga zakona donijeti uredbu o identifikaciji, pripremi, ugovaranju i praćenju implementacije projekta JPP-a, iz stava (8) člana 13. ovoga zakona.

(2) Ministarstvo privrede će najkasnije u roku od 90 dana od dana stupanja na snagu ovoga zakona donijeti pravilnik o uspostavljanju i vođenju registra ugovora o JPP-u.

#### Član 35.

#### **(Primjena zakona na postupke koji nisu pravosnažno okončani)**

Svi postupci koji do dana stupanja na snagu ovoga zakona nisu pravosnažno okončani, završit će se prema odredbama zakona koji je bio na snazi u vrijeme pokretanja postupka.

#### Član 36.

#### **(Prestanak primjene)**

Danom stupanja na snagu ovoga zakona stavlja se van snage Zakon o javno-privatnom partnerstvu ("Službene novine Srednjobosanskog kantona", broj 13/13).

#### Član 37.

#### **(Stupanje na snagu)**

Ovaj zakon stupa na snagu osmoga dana od dana objavljivanja u "Službenim novinama Srednjobosanskog kantona".

Broj: 01-02-141/18 PREDSEDAVAJUĆI SKUPŠTINE  
28. februara 2018.

Travnik

Josip Kvasina, s. r.

## **V L A D A SREDNJOBOSANSKOG KANTONA**

125

Na osnovu člana 31. Zakona o Vladi Srednjobosanskog kantona ("Službene novine Srednjobosanskog kantona", broj: 5/03 – prečišćeni tekst i 14/03) i stava (4) člana 33. Zakona o izvršavanju Budžeta Srednjobosanskog kantona za 2017. godinu ("Službene novine Srednjobosanskog kantona", broj 1/17) te članova 144. i 154. Zakona o visokom obrazovanju ("Službene novine Srednjobosanskog kantona", broj 4/13), Vlada Srednjobosanskog kantona, na 29. vanrednoj sjednici održanoj 29. decembra 2017. godine, donosi

#### **O D L U K U**

#### **O AKONTATIVNOJ RASPODJELI SREDSTAVA ZA VISOKO ŠKOLSTVO**

#### Član 1.

Ovom odlukom se utvrđuje akontativna raspodjela sredstava planiranih Budžetom Srednjobosanskog kantona za 2017. godinu ("Službene novine Srednjobosanskog kantona",

broj: 1/17 i 10/17) za ekonomski kod 614100, poziciju *Transfer za sufinansiranje visokog školstva i stipendiranje studenata*, u iznosu od 447.000,00 KM.

#### Član 2.

Sredstva predviđena članom 1. ove odluke za 2016./2017. akademsku godinu doznačit će se na transakcijski račun Sveučilišta u Mostaru.

#### Član 3.

Sredstva predviđena ovom odlukom uklopljena su u ukupna sredstva planirana Budžetom Srednjobosanskog kantona za 2017. godinu na ekonomskom kodu 614100, poziciji *Transfer za sufinansiranje visokog školstva i stipendiranje studenata*.

#### Član 4.

Za realizaciju ove odluke zadužuju se Ministarstvo obrazovanja, nauke, kulture i sporta i Ministarstvo finansija Srednjobosanskog kantona.

#### Član 5.

Ova odluka stupa na snagu danom donošenja i objavit će se u "Službenim novinama Srednjobosanskog kantona".

Broj: 01-02-152/18  
12. marta 2017.

Travnik

PREMIJER KANTONA

Tahir Lendo, s. r.

126

Na osnovu člana 32. Zakona o Vladi Srednjobosanskog kantona ("Službene novine Srednjobosanskog kantona", broj: 5/03 – prečišćeni tekst i 14/03), a u vezi s članom 8. Uredbe o osnivanju Ureda za javne nabavke za potrebe korisnika Budžeta Srednjobosanskog kantona ("Službene novine Srednjobosanskog kantona", broj 4/17) te na prijedlog Ureda za javne nabavke za potrebe korisnika Budžeta Srednjobosanskog kantona, Vlada Srednjobosanskog kantona, na 76. sjednici održanoj 25. januara 2018. godine, donosi

#### **O D L U K U**

#### **O UTVRĐIVANJU NABAVNIH KATEGORIJA (ROBE, USLUGA I RADOVA) CENTRALNE JAVNE NABAVKE ZA 2108. GODINU**

#### Član 1.

Ovom odlukom Vlada Srednjobosanskog kantona utvrđuje nabavne kategorije (robu, usluge i radove) za 2108. godinu koje se nabavljaju u postupku centralne javne nabavke iz člana 3. Uredbe o osnivanju Ureda za javne nabavke za potrebe korisnika Budžeta Srednjobosanskog kantona.

#### Član 2.

Pregled nabavnih kategorija (robe, usluga i radova) za 2108. godinu koje se nabavljaju u postupku centralne javne nabavke je sljedeći: